

四庫全書

集部

欽定四庫全書

集部

花草粹編卷二十二

詳校官編修<sub>臣</sub>周 瓊

侍讀<sub>臣</sub> 孫球覆勘

總校官檢討<sub>臣</sub> 何思鈞

校對官典簿<sub>臣</sub> 劉景岳

謄錄監生<sub>臣</sub> 沈毓鳳

欽定四庫全書

花草粹編卷二十二

明 陳耀文 輯

長調

瑞鶴仙

上元

康伯可

瑞烟浮禁苑正絳闕春回新正方半冰輪桂華滿溢花  
衢歌市笑容開遍龍樓兩觀見銀燭星球有爛捲珠簾  
盡日笙歌盛集寶釵金釧堪羨綺羅叢裏蘭麝香中

正宜遊翫風柔夜煖花影亂笑聲喧鬧蛾兒滿路成團  
打塊簇著冠兒闌轉喜皇都舊日風光太平再見

二

薄寒羅袖怯教小玉添香被翻宮櫺蘭缸半明滅聽幾  
聲歸鴈一簾微月情波恨葉索新詞猶自怨別夢回時  
雪煖酥凝掠鬢寶鴛釵折淒切紋窓描繡舊譜尋基  
便成虛設同心對結重來是甚時節悵姑蘇臺上征帆  
何許隱隱遙山萬疊袖紅綃獨立無言偷彈淚血

春游

周美成

悄郊原帶郭行路永客去車塵漠漠斜陽映山落斂餘  
紅猶戀孤城欄角凌波步弱過短亭何用素約有流鶯  
勸我重解繡鞍緩引春酌不記歸時早暮上馬誰扶  
醒眠朱閣驚颼動幕扶殘醉遶紅藥嘆西園已是花深  
無地東風何事又惡任流光過却猶喜洞天自樂

玉照新志云美成以待制提舉南京鴻慶宮自杭徙  
居睦州夢中作此一闋既覺猶能全記了不詳其所  
謂也未幾清溪賊方臘起方還杭州舊居而道路兵  
戈已滿始入錢塘門但見抗人蒼黃奔避視落日半

在鼓角樓簷門即詞中所謂斜陽映山落斂餘霞猶  
應孤城欄角者應矣當是時承平日久而狂寇嘯聚  
直聲言遂據二浙美成之舊居既不可往是日無處  
得食飢甚忽于稠人中有呼待制何往者視之鄉人  
侍兒也邀入酒家美成驚遽間連飲數盃散去乃詞  
中所謂凌波云云春酌之句驗矣飲罷覺微醉惶惑  
徑去城北江漲橋諸寺士女已盈滿獨一小寺經閣  
偶無人遂宿其上即詞中所謂上馬誰扶醒眠朱閣  
是應矣既而奔避絕江居揚州傳聞方賊已盡據二  
浙涉江之淮泗因自計鴻慶宮有齋廳可居乃携家  
往焉則詞中所謂念西園已是花深無地東風又惡  
之語應矣至鴻慶未幾以疾卒則任流光過了歸來  
洞天自樂又應于身後矣美成平生好作樂府將死  
之際夢中得句而字字俱驗卒章又驗于身後豈偶  
哉然

送張丞罷官歸柯山

侯彥周

楚山無際碧湛一溪晴綠四郊寒色霜華弄初日看玉  
明遙草金鋪平磧天涯倦翼更何堪臨歧送客念飛蓬  
斷梗無蹤把酒後期難覓愁寂梅花憔悴茅舍蕭疎  
倍添悽惻維舟岸側留君飲醉休惜想柯山春晚還家  
應對菊老松堅舊宅嘆宦游索寞情懷甚時去得

春情

陸子逸

臉霞紅印枕睡覺來冠兒還是不整屏間麝煤冷但眉

山壓翠淚珠彈粉堂深晝永燕交飛風簾露井恨無人  
與說相思近日帶圍寬盡重省殘燈朱幌淡月紗窓  
那時風景陽臺路遠雲雨夢便無準待歸來先指花梢  
教看却把心期細問問因循過了青春怎生意穩

前調

趙德莊

攬垂楊細折有別情遺愛與君都說文茵帶瑯輓是行  
春來處去年阡陌柔桑半葉轉光風輕颺秀麥正人家  
共約耕相借牛社相留客清絕溪山猶記脫帽吟風



倚樓招月東君何事將春至  
放春歇道從今江上一花  
一柳皆想油幢瑞節縱離愁  
瘦減腰圍帶金正暱

秋思

吳子和

風傳秋信至顫葉葉庭梧飄零  
堦年華迅流水況榮  
枯翻手存亡彈指誰編故紙  
論古往英雄鬪智在當時  
喚做功名到此盡成閒氣  
何謂生為行客死乃歸人  
世同驛邸十步九計空勞攘  
謾兒戲忍都將有限光陰  
縈絆趁逐無窮天地我直須  
跳出樊籠做箇俏底

前調

史達祖

杏烟嬌濕鬢過杜若汀洲楚衣香潤回頭翠樓近指鴛  
鴦沙上暗藏春恨歸鞭隱隱便不念芳盟未穩自簫聲  
吹落雲東再數故園花信誰問聽歌窓鐺倚月鉤欄  
舊家輕俊芳心一寸相思後總灰盡奈春風多事吹花  
搖柳也把幽情喚醒對南溪桃萼翻紅又成瘦損

賦紅梅

館娃春睡起為發妝酒煖臉霞輕膩冰霜一生裏厭從

來冷澹粉腮重洗胭脂暗試便無限芳穠氣味向黃昏  
竹外寒深醉裏為誰偷倚 嬌媚春風模樣霜月心腸  
瘦來肌體孤香細細吹夢到杏花底被高樓橫管一聲驚  
斷却對南枝灑淚謾相思桃葉桃根舊家姊妹

梅

辛幼安

鴈霜寒透幙正護月雲輕嫩冰猶薄溪奩照梳掠想含  
香弄粉艷粧難學玉肌瘦弱更重重龍綃襯著倚東風  
一笑嫣然轉盼萬花羞落 寂寞家山何在雪後園林

水邊樓閣瑤池舊約隣翁更仗誰托粉蝶兒只尋桃覓  
柳開遍南枝未覺但傷心冷落黃昏數聲畫角

離筵代意

洪叔璚

聽梅花吹動涼夜何其明星有爛相看淚如霰問而今  
去也何時會面匆匆聚散恐便作秋鴻社燕最傷情夜  
來枕上斷雲零雨何限因念人生萬事回首悲涼都  
成夢幻芳心繾綣空惆悵巫陽館況船頭一轉三千餘  
里隱隱高城不見恨無情春水連天片帆似箭

龍吟曲

問梅  
劉寺

史邦卿

夜寒幽夢飛來小梅影下東風曉蝶魂未冷吾身良是  
悠然一笑竹杖敲苔布鞋踏凍歲常先到傍蒼林却恨  
儲風養月須我輩新詩弔永以南枝為好怕從今逢  
花漸老愁消秀句寒回斗酒春心多少之子迹空伊人  
遊世又還驚覺但歸來對月高情耿耿寄白雪杪

雪

夢回虛白初生便疑冷月通窓戶不知夜久都無人見

玉妃起舞銀界回天瓊田易地晃然非故想兒童健意  
生愁霽色情頻在窺簷處一片樵林釣浦是天教王  
維畫取未知授簡先將高興收歸妙句江路梅愁灞陵  
人老又騎驢去過章臺不記春風乍見倚簾吹絮

一捻紅

紫姑

夷堅  
支志

覩嬌紅細捻是西子當日留心千葉西都競栽接賞園  
林臺榭何妨日涉輕羅慢褶費多少陽和調燮向曉來  
露浥芳苞一點醉紅潮頰雙靨姚黃國艷魏紫天香

倚風羞怯雲鬟試挿引動狂蜂浪蝶況東君開宴賞心  
樂事莫惜獻酬頻疊看相將紅藥翻階尚餘侍妾  
沈延年邀  
致者

安公子

陸務觀

風雨初經社子規聲裏春光謝最是無情零落盡薔薇  
一架況我今年憔悴幽窗下人盡怪詩酒消聲價向藥  
爐經卷忘却鶯牕柳榭萬事收心也粉痕猶在香羅  
帕恨月愁花爭信道如今都罷空憶前身便面章臺馬

因自來禁得心腸怕縱遇歌逢舞但說京都舊話

旅情

柳耆卿

遠岸收殘雨雨殘稍覺江天暮拾翠汀洲人寂靜立雙  
雙鷗鷺望幾點漁燈隱映蘼葭浦停畫橈兩兩舟人語  
道去程今夜遙指前村烟樹游宦成羈旅短檣吟倚  
閒凝竚萬水千山迷遠近想鄉關何處自別處風亭月  
榭辜歡聚剛斷腸惹得離情苦聽杜鵑聲聲勸人不如  
歸去



花發狀元紅慢

劉伯壽几

三春向暮萬卉成陰有嘉艷方折嬌姿嫩質冠羣品共  
賞傾城傾國上苑晴晝暄千素萬紅猶竒特綺筵開會  
詠歌才子壓倒元白別有芳幽苞小步帳華絲綺軒  
油壁與紫鴛鴦素蛺蝶自清旦往往連夕巧鶯喧脆管  
嬌燕語雕梁留客武陵人念夢役意濃堪遣情溺

右劉几在神宗時與范蜀公重定大樂洛陽花品曰  
狀元紅為一時之冠樂工花日新能為新聲汴妓部  
懿以色著秘監致仕劉伯壽尤精音律熙寧中几携  
花日新就部懿惟詠仍撰此曲填詞以贈之人有謂

為高達者部懿第六即蔡奴之母也李定之父與部  
六遊生定而部六死定不之知也及王荊公為宰相  
擢用李定言官交攻以為母死  
不持服為此蔡奴亦以色著云

霓裳中序第一

詹可大

一規古蟾魄瞥過宣和幾春色知那箇柳鬆花怯曾磋  
玉團香塗雲抹月龍章鳳刻是如何兒女消得便孤了  
翠鸞何限人更在天北 磨滅古今離別幸相從薊門  
仙客蕭然林下秋葉對雲淡星疎眉青影白佳人已傾  
國贏得癡銅舊畫興亡事道人知否見了也華髮

至元間監醮長春宮偶見羽士丈室古鏡狀  
似秋葉背有金刻宣和御寶四字有感因賦

應法孫

愁雲翠萬疊露柳殘蟬空抱葉簾捲流蘇寶結乍庭戶  
嫩涼闌干微月玉纖勝雪委素紉塵鎖香篴思前事鶯  
期燕約寂寞向誰說悲切漏籤聲咽漸寒炰蘭缸未  
滅良宵長是間別恨酒凝紅綃粉浣瑤玦鏡盟鸞影缺  
吹怨笛西風數闌無言久和衣成夢睡損縷金蝶

喜遷鶯

蔡子正

墨客  
揮犀

霜天秋曉正紫塞故壘黃雲衰草漢馬嘶風邊鴻叫月  
隴上鐵衣寒早劒歌騎曲悲壯盡道君恩須報塞垣樂  
盡橐韃錦領山西年少談笑刀斗靜烽火一把時報  
平安耗聖主憂邊威懷遐遠強敵尚寬天討歲華向晚  
愁思誰念玉關人老太平也且歡娛莫惜金尊頻倒

元豐間擬自西掖出鎮平陽府經數載意欲歸作此  
詞詞播中都遂徹聖聽上因語呂丞相曰蔡擬欲歸  
遂以西  
掖召還

丞相生日

康伯可

臘殘春早正簾幕護寒樓臺清曉寶運當千佳辰餘五  
嵩岳誕生元老帝遣阜安宗社人仰雍容廊廟盡總道  
是文章孔孟勲庸周召師表方眷遇魚水君臣須信  
從來少玉帶金魚朱顏綠鬢占斷世間榮耀篆刻鼎彝  
將遍整頓乾坤都了願歲歲見柳梢青淺梅英紅小

秋夜聞鴈

秋寒初勁看雲路鴈來碧天如鏡湘浦煙深衡陽沙遠  
風外幾行斜陣回首塞門何處故國關河重省漢使老

認上林欲下裴回清影 江南煙水暝聲過小樓燭暗  
金猊冷送目鳴琴裁詩挑錦此恨此情無盡夢想洞庭  
飛下散入雲濤千頃過盡也柰杜陵人遠玉關無信

立春

吳浩然

譙樓殘月聽畫角曉寒梅花吹徹瑞日祥雲風和解凍  
青帝乍臨東闕暖向土牛簫鼓天路珠簾高揭最好是  
戴綵幡春勝釵頭雙結 奇絕開宴處珠履玳簪俎豆  
爭羅列舞袖翩翩歌喉縹渺壓倒柳腰鶯舌勸我應時

納祐還把金爐香爇願歲歲把一卮春酒長陪佳節

閏元宵

吳子和

銀蟾光彩喜稔歲閏正元宵還再樂事難并佳時罕遇  
依舊試燈何礙花市又移星漢蓮炬重芳人海盡勾引  
徧嬉遊寶馬香車喧隘情快天意教人月更圓償足  
風流債媚柳煙濃天桃紅小景物迥然堪愛巷陌笑聲  
不斷襟袖餘香仍在待歸也便相期明日踏青挑菜

端午

梅霖初歇正絳色海榴爭開佳節角黍包金香蒲切玉  
是處玳筵羅列闔巧盡輸年少玉腕彩絲雙結艤彩舫  
見龍舟兩兩波心齊發奇絕難盡處激起浪花翻作  
湖間雪畫鼓轟雷紅旗掣電奪罷錦標方微望中水天  
日暮猶自珠簾高揭棹歸晚戴荷香十里一鉤新月

春宴

趙文昂

韶華駘蕩看花工盡力安排春仗薄霧霏烟軟風輕日  
物態與人交暢鳥聲弄巧千調樓影垂空十丈亂花柳



紫寶鈿纓絡綵絲帷帳  
佳賞輝艷冶笑語盈盈花面  
交相向歌運長縑酒凝深碧和氣盎然席上好春易苦  
風雨人意難逢舒放但拍掌醉陶然一笑忘形天壤

春感

易彥祥

帝城春晝見杏臉桃腮胭脂微透一霎兒晴一霎兒雨  
正是催花時候淡烟細柳如畫雅稱踏青携手怎知道  
那人人獨倚闌干消瘦別後音信斷應是淚珠滴遍  
香羅袖記得年時膽瓶兒畔曾把牡丹同嗅故鄉水遙

山遠怎得新歡如舊強消遣把閒愁推入花前盃酒

秋懷

高賓王

涼雲歸去再約著晚來西樓風雨水靜簾陰鷗閒菰影  
秋到露汀煙浦試省喚回幽恨盡是愁邊新句倦登眺  
動悲涼還在殘蟬吟處淒楚空見說香鎖霧扃心似  
秋蓮苦竇瑟彈冰玉臺窺月淺黛可憐偷聚幾時翠溝  
題葉無復綉簾吹絮鬢華晚念庾郎情在風流誰與

黃鍾元宵曲

史達祖

月波凝滴望玉壺天近了無塵隔翠眼圈花冰絲織練  
黃道寶光相直自憐詩酒瘦難應接許多春色最無賴  
是隨香趁燭曾伴狂客蹤跡謾記憶老了杜郎忍聽  
東風笛柳院燈疎梅廳雪在誰與細傾春碧舊情拘未  
定猶自學當年游歷怕萬一悞玉人夜寒窓簾隙

送韓夷邪驃騎下淮

金主亮

程史

旌麾初舉正駸駸力健嘶風江渚射虎將軍落雕都尉  
繡帽錦袍翹楚怒礫戟髯爭奮捲地一聲鼙鼓笑談頃

指長江齊楚六師飛渡 此去無自墮金印如斗獨在  
功名取斷鎖機謀垂鞭方略人事本無今古試展臥龍  
韜韞果見成功旦莫問江左想雲霓望切玄黃迎路

別內側室

王正之歸潛志

玉樓歡宴記遺簪綺席題詩羅扇月枕雙歌雲窓同夢  
相伴小花深院舊歡頓成陳迹翻作一番新怨素秋晚  
聽陽關三疊一樽相餞 留戀情縈縈紅淚洗粧雨濕  
梨花面月底關河馬頭星月西去一程程遠但願此情

如舊天也不違人願再相見老生涯分付藥爐經卷

龍女郝仙廟

汀洲蘋滿記翠籠采采相將隣媛蒼渚烟生金支光爛  
人在霧綃鮫館小鬟頓成雲散羅襪凌波不見翠鸞遠  
但清溪如鏡野花留靨情睽驚變現身後神功絲滿  
吳蠶繭漢女菱歌湘妃瑤瑟香動倚雲層殿彤車載花  
一色醉盡碧桃清燕故山晚歎流年一笑人間飛電

賀生第三子

古今三絕惟鄭國三良漢家三傑三俊才名三儒文學  
更有三君清節爭似一門三秀三子三孫奇特人總道  
賽蜀郡三蘇河東三薛慶愜況正是三月風光盃好  
傾三百子並三賢孫齊三少俱篤三餘事業文既三冬  
足用名即三元高揭親俱慶看寵加三命禮膺三接

秋望

趙彥端

登山臨水正桂嶺瘴開蘋洲風起玄鶴高翔蒼鷹遠擊  
白鷺欲飛還止江上澄波似練沙際行人如蟻目斷處

見遙峰簇翠殘霞浮綺  
千里關塞遠鴈陣不來猶把  
闌干倚數疊悲笳一行征旆城郭幾番成毀白塔前朝  
寢陵青嶂故都營壘念往事但寒烟滿目愁蟬盈耳

前調

劉行簡

曉光催角聽宿鳥未驚鄰鷄先覺迤邐烟村馬嘶人起  
殘月尚穿林薄淚痕帶霜微凝酒力衝寒猶弱嘆倦客  
稍不禁重染風塵京洛追念人別後心事萬重難覓  
孤鴻託翠幌嬌深曲屏香煖爭念歲寒飄泊怨月恨花

煩惱不是不曾著這情味望一成消滅新來還惡

探春慢

姜堯章

衰草愁烟亂鴉送目飛沙回旋平野拂雪金鞭欺寒茸  
帽還記章臺走馬誰念飄零久謾贏得幽懷難寫故人  
清眊相逢小窻閑共情話長恨離多會少重訪問竹  
西珠淚盈把鴈磧沙平漁汀人歎老去不堪遊冶無柰  
茗溪月又喚我扁舟東下甚日歸來梅花亂零春夜

惜餘歡

山谷



四時美景正年少賞心頻啟東閣芳酒載盈車喜朋侶  
簪合盃觴交飛勸酬獻正酣飲醉主公陳榻坐來爭柰  
玉山未頽興尋巫峽歌闌旋燒絳蠟況漏轉銅壺煙  
斷香鴨猶整醉中花借纖手重插相將扶上金鞍騷裊  
碾春焙願少延懽洽未須歸去重尋艷歌更留時霎

春雲怨

上已

馮偉壽

春風惡劣把數枝香錦和鶯吹折雨重柳腰嬌困燕子  
欲扶扶不得軟日烘烟乾風收霧芍藥荼蘼弄顏色簾

幙輕陰圖書清潤日永篆香絕  
盈盈笑靨宮黃額試

紅鸞小扇丁香雙結團鳳眉  
心倩郎貼教洗金壘共看  
西堂醉花前月曲水成空麗  
人何處往事暮雲萬葉

安平樂慢

都門池苑應制

万俟雅言

瑞日初遲緒風乍暖千花百草爭香  
瑤池路穩閨苑春  
深雲樹水殿相望柳曲沙平看塵隨青蓋絮惹紅粧賣  
酒綠陰傍無人不醉春光  
有十里笙歌萬家羅綺身  
世疑在仙鄉行樂知無禁五侯半隱少年場舞妙歌妍

空妬得鶯嬌燕忙念芳菲都來幾日不堪風雨踈狂

雨霖鈴

王介甫

孜孜矻矻向無明裏強作窠窟浮名浮利何濟堪留戀  
處輪迴倉卒幸有明空妙覺可彈指超出緣底事拋了  
全潮認一浮漚作瀛渤 本源自性天真佛祇此些些妄  
想中埋沒貪他眼花陽艷誰信道本來無物一旦茫然  
終被閨羅老子相屈便縱有千種機籌怎免伊唐突

秋別

柳耆卿

寒蟬淒切對長亭晚驟雨初歇都門暢飲無緒方留戀  
處蘭舟催發執手相看淚眼竟無語凝咽念去去千里  
煙波暮靄沉沉楚天闊多情自古傷離別更那堪冷  
落清秋節今宵酒醒何處楊柳岸曉風殘月此去經年  
應是良辰好景虛設便縱有千種風情更與何人說

綺羅香

春雨

史邦卿

做冷欺花將烟困柳千里偷催春暮盡日冥迷愁裏欲  
飛還住驚粉重蝶宿西園喜泥潤燕歸南浦最妨它佳

約風流鈿車不到杜陵路  
沈沈江上望極還被春潮  
急難尋官渡隱約遙峯和淚謝娘眉嫵臨斷岸新綠生  
時是落紅帶愁流處記當日門掩梨花剪燈深夜語

漁浦有感

張槃

浦月窺檐松泉漱枕屏裏吳山何處暗粉疎紅依舊為  
誰勻注都負了燕約鶯期更閒却柳烟花雨縱十分春  
到郵亭賦懷應是斷腸句  
青青原上薺麥還被東風  
無賴翻成離緒望極天西惟有隴雲江樹斜照帶一縷

新愁盡分付暮潮歸去步閒階時卜心期落花空細數

古陽關

詞話

渭城朝雨一霎裏輕塵更洒遍客舍青青弄柔凝千縷  
柳色新更洒徧客舍青青千縷柳色新 休煩惱勸君  
更盡一杯酒人生會少自古富貴功名有定分莫遣容  
儀瘦損休煩惱勸君更盡一杯酒只恐怕西出陽關舊  
遊如夢眼前無故人祇恐怕西出陽關眼前無故人

竹馬子

新秋

柳耆卿

登孤壘荒涼危亭曠望靜臨煙渚對雌霓掛雨雄風拂  
檻微收煩暑漸覺一葉驚秋殘蟬噪晚素商時序覽景  
想前歡指神京非霧非烟深處 向此成追感新愁易  
積故人難聚憑高盡日凝竚贏得銷魂無語極目霽靄  
霏微暝鴉零亂蕭索江城暮南樓畫角又逐殘陽去

葉少蘊

與君記平山堂前細柳幾回同挽又征帆夜落危檻依  
舊遙臨雲嶽自笑來往匆匆朱顏漸改故人俱遠橫笛

想遺聲但寒松千丈傾崖蒼蘚  
世事終何已田陰縱  
在歲陰仍晚嵇康老來尤嬾  
只要萸羹菰飯却欲便買  
茅廬短蓬輕櫂尊酒猶能辦  
君能過我水雲聊為伴

兜上鞋兒

寄張生

鄭雲娘

雲娘傳

朦朧月影黯淡花陰獨立等多時  
只怕冤家乖約又恐  
他側畔人知千回作念萬般思想  
心下暗猜疑驀地得  
來廝見風露下語顫聲低  
輕移蓮步暗卸羅衣携手  
過廊西正是更闌人靜向粉郎恣意  
矜持片時雲雨幾



多歡愛依舊兩分離  
報道情郎且住待奴  
兜上鞋兒一作

連氏倩女  
寄陳彥臣

眉嫵

亦名百  
宜嬌

姜白石

看垂楊連苑杜若吹沙  
愁損未歸眼  
信馬青樓去  
重簾下  
娉婷人妙飛燕  
翠樽共款  
聽艷歌郎意  
先感便攜手  
月地雲堦裏  
愛良夜微煖  
無限風流  
踈散有暗藏弓  
履偷寄香翰  
明月聞津鼓  
湘江上  
催人還解春纜  
亂紅萬點  
悵斷魂烟水  
遙遠又爭似  
相携乘一舸  
鎮長見

百宜嬌

呂聖求

隙月垂照亂蛩催織秋晚嫩涼房戶燕拂簾旌鼠窺窓  
網寂寂飛螢來去金鋪鎮掩漫記得花時南浦約重陽  
萸糝菊英小樓遙夜歌舞銀燭暗佳期細數簾幙漸  
西風半窓秋雨葉底翻紅水面皺碧燈火裁縫砧杵登  
高望極正霧瑣官槐歸路定須相將寶馬鈿車訪吹簫  
侶

憶瑤姬

支志作  
別素質

曹元寵

詞話

雨細雲輕花嬌玉軟於中好箇情性爭奈無緣相見有  
分孤零香箋細寫頻相問我一句句兒都聽到如今不  
得同歡伏惟與他耐靜 此事憑誰執証有樓前明月

窗外花影拚了一生煩惱為伊成病祇恐更把風流逞  
便因循悞人無定恁時節若要眼兒厮覷除非會聖

夷堅

支志作王齊  
叟彥齡詞

瀟湘靜

雅詞拾遺

畫簾微捲香風逗正明月乍圓時候金盤露冷玉爐篆

消漸紅鱗生酒嬌唱倚繁絃瓊枝碎輕迴雲袖風臺焰  
短銅壺漏永人欲醉夜如晝因念流年迅景被浮名  
暗辜歡偶人生大抵離多會少更相將白首何似猛尋  
芳都莫問積金過斗歌闌宴闋雲窓鳳枕釵橫麝透

湘江靜

史邦卿

暮草堆青雲浸浦記匆匆倦篙曾駐漁榔四起沙鷗未  
落怕愁沾詩句碧袖一聲歌石城怨西風隨去滄波蕩  
晚菰蒲弄秋還重到斷魂處酒易醒思正苦想空山

桂香懸樹三年夢冷孤吟意短屢煙鐘津鼓屐齒厭登  
臨移燈後幾番涼雨潘郎漸老風流頓減閒居未賦

還京樂

周美成

禁烟近觸處浮香秀色相料理正泥花時候奈何客裏  
光陰虛費望箭波無際迎風漾日黃雲委任去遠中有  
萬點相思清淚到長淮底過當時樓下慙慙為說春  
來羈旅况味堪嗟誤約乖期向天涯自看桃李想而今  
應恨墨盈牋愁粧照水怎得青鸞翼飛歸教見憔悴

雙聲子

遊吳

柳耆卿

晚天蕭索斷蓬蹤跡乘興蘭棹東遊三吳風景姑蘇臺榭牢落暮靄初收夫差舊國香徑沒徒有荒丘繁華處  
悄無覩惟聞麋鹿呦呦想當年空運籌決勝圖王取  
霸無休江山如畫雲濤煙浪翻輸范蠡扁舟驗前經舊  
史嗟謾載當日風流斜陽暮草茫茫盡成萬古遺愁

烘春桃李

獻蔡京

江朝宗

漢

昇平無際慶八載相業君臣魚水鎮撫風稜調燮精神

合是聖朝房魏鳳山政好還被畫轂朱輪催起按錦轡  
映玉帶金魚都人爭指 丹陛常注意追念裕陵元佐  
今無幾繡袞香濃鼎槐風細榮耀滿門朱紫四方具瞻  
師表盡道一夔足矣運化筆又管領年年烘春桃李

西湖月

黃子行

湖光冷浸玻璃蕩一餉薰風小舟如葉藕花十丈雲梳  
霧洗翠嬌紅怯壺觴圍坐處正酒醪吹波紅映頰尚記  
得玉臂生涼不放汗香輕浹 殢人小摘牆榴為碎搗

猩紅細認裙褶舊遊如夢新愁似織淚珠盈睫秋娘風  
味在怎得對銀缸生笑靨消瘦沈約詩腰彷彿堪捻

春從天上來

感舊

吳彥高

海角飄零嘆漢苑秦宮墜露飛螢夢裏天上金屋銀屏  
歌吹競舉青冥問當時遺譜有絕藝鼓瑟湘靈促哀彈  
似林鶯啞啞山溜泠泠梨園太平樂府醉幾度春風  
鬢變星星舞徹中原塵飛滄海風雲萬里龍庭寫鳴笳  
幽怨人憔悴不似丹青酒微醒一軒涼月燈火青熒



玉林詞選云彥高名激米元章婿也於會寧府遇老  
姬善鼓瑟自言梨園舊籍因有感而賦此後三山鄭  
中卿嘗從張貴謨使  
亦聞歌人有歌之者

中州樂府云好問曾見王防禦公王說彥高  
此詞句句用琵琶故實引據甚明今忘之矣

## 武昌秋夜

周伯陽

浩蕩青冥正涼露如洗萬里虛明鼓角悲健秋入重城  
彷彿石上三生指蓬萊雲路渺何許月冷風清倚南樓  
一聲長笛幾點殘星西風舊年有約聽候蛩語夜客  
裏心驚紅樹山深翠苔門掩想見露草踈螢便乘風歸

去闌干外河漢西傾笑淹留劃然孤嘯雲白天青

西江月慢

呂聖求

春風淡淡清晝永落英千尺桃杏散平郊晴蜂來往妙  
香飄擲傍畫橋煮酒青帘綠楊風外數聲長笛記去年  
紫陌朱門花下舊相識 何寶几裁書憑燕翼望翠閣  
煙林似織聞道春衣猶未整過禁烟寒食但記取角枕  
情題東窓休悞這些端的更莫待青子綠陰春事寂

歸朝歡

春閨

張子野

聲轉轆轤聞露井曉引銀瓶牽素綆西園人語夜來風  
叢英飄墮紅成逕寶猊煙未冷蓮臺香蠟殘痕凝等身  
金誰能得意買此好光景粉落輕粧紅玉瑩月枕橫  
釵雲墜領有情無物不雙栖文禽只合常交頸晝夜歡  
豈定爭如翻作春宵永日曛曠嬌柔懶起簾壓捲花影

柳耆卿

別岸扁舟三兩隻葭蕭蕭風淅淅沙汀宿鴈破煙飛  
溪橋殘月和霜白漸漸分曙色路遙川遠多行役往來

人隻輪雙槳盡是利名客 一望鄉關煙水隔轉覺歸  
心生羽翼愁雲恨雨兩縈牽新春殘臘相催逼歲華都  
瞬息浪萍風梗誠何益問歸期玉樓深處有箇人相  
憶

對雪追和東坡

相山

透隙敲窓風撼撼坐見廣庭霜縞白長安道上正騎驢  
蔡州城裏誰堅壁表表風塵物瑤林瓊樹三豪客對揮  
毫連珠唱玉競把詩牋擲 草草盃盤還促席痛飲狂

歌話胸臆前村昨夜放梅花東鄰休把誇容色清歡那  
易得明朝烏轡陞南極帶隨車黃壚咫尺莫作山河  
隔

壽蕭禹平知縣

嚴次山

雲表金莖珠璀璨當日投懷驚玉燕文章議論壓西廡  
風流姓字翔東觀紫皇嗟見晚祥麟五色留金殿大江  
西銅章墨綬暫爾煩君綰十二金釵扶玉盞錦瑟攪  
攪隨急管獸爐烟動彩雲高秋聲拍碎紅牙板趣君歸

翰苑萊衣煥爛潘輿穩任方瞳從今看到弱水波清淺

春遊

馬莊父

聽得提壺沽美酒人道杏花深處有杏花狼藉鳥啼風  
十分春色今無九麝煤銷永晝青烟飛上庭前柳畫堂  
深不寒不煖正是好時候團團寶月憑纖手暫借歌  
喉招舞袖真珠滴破小槽紅香肌縮盡纖羅瘦投分須  
白首黃金散與親和舊且銜盃壯心未落風月長相守

西河

金陵懷古

周美成

佳麗地南朝盛事誰記山圍故國遠清江髻鬟對起怒  
濤寂寞打孤城風檣遙度天際斷崖樹猶倒倚莫愁艇  
子曾繫空遺舊跡鬱蒼蒼霧沉半壘夜深月過女牆來  
賞心東畔淮水酒旗戲鼓甚處市想依稀王謝鄰里  
燕子不知何世入尋常巷陌人家相對如說興亡斜陽  
裏

王子文

天下事問天怎忍如此陵圖誰把獻君王結愁未已少

豪氣槩總成塵空餘白骨黃葦 千古恨吾老矣東遊  
曾弔淮水綉春臺上一迴登一迴搵淚醉歸撫劍倚西  
風江濤猶壯人意 只今袖手野色裏望長淮猶二千  
里縱有英心誰寄近新來又報烽烟起絕域張騫歸來  
未

和王潛齋韻

曹西士

今日事何人弄得如此漫漫白骨蔽川原恨何日已關  
河萬里寂無煙月明空照蘆葦 謾哀痛無及矣無情



莫問江水西風落日慘新亭幾人墮淚戰和何者是良  
籌扶危但看天意只今寂寞數澤裏豈無人高卧間  
里試問安危誰寄定相將有詔催公起須信前書言猶  
未

送入我門來

胡浩然

荼壘安扉靈馱掛戶神儼烈竹轟雷動念流光四序式  
週回須知今歲今宵盡似頓覺明年明日催向今夕是  
處迎春送臘羅綺筵開今古遍同此夜賢愚共添一

歲貴賤仍偕互祝遐齡山海固難摧石崇富貴錢鏗壽  
更潘岳儀容子建才仗東風盡力一齊吹送入此門來

瀟湘逢古人慢

初夏

王和甫

薰風微動方榴花弄色萱草成窩翠幃敞輕羅試冰簟  
初展幾尺湘波踈簷廣厦稱瀟湘一枕南柯引多少夢  
魂歸緒洞庭雨棹煙蓑驚回處閑晝永更時時燕雛  
鶯友相過正綠影婆娑況庭有幽花池有新荷青梅煮  
酒幸隨分贏取高歌功名事到頭終在歲華忍負清和

看花回

張守  
生日

趙德莊

注目正江湖浩蕩煙雲離屬美人衣蘭佩玉澹秋水凝  
神陽春翻曲烹鮮坐嘯清淨五千言自足橫劒氣南斗  
光中浩然一醉引雙鹿回鴈未歸書未續夢草處舊  
芳重綠誰憶瀟湘歲晚為喚起長風吹飛黃鵠功名異  
時圯上家傳謝寵辱待封留拜公堂下願授我長生籙

二

端有恨留春無計花飛何速檻外青青翠竹鎮高節凌

雲清陰常足春寒風袂帶雨穿窓如利鏃催處處燕巧  
鶯慵幾聲鉤輶叫雲木 看波面垂楊蘸綠最好是風  
梳煙沐陰重熏簾未捲正泛乳新芽香飄清馥新詩惠  
我開卷醒然欣再讀嘆辭章過人華麗擲地勝如金玉  
陽春

楊无咎

蕙風輕鶯語巧應喜乍離幽谷飛過北窗前迎清曉麗  
日明透翠幃轂篆臺芬馥初睡起橫斜簪玉因甚自覺  
腰肢瘦朝來又寬帟幅 對清鏡無心欣梳裏誰問着

餘醒帶宿尋思前懽往事似驚回好夢難續花亭徧倚  
檻曲厭滿眼爭春凡木儘顛悴過了清明候愁紅慘綠

史邦卿

杏花烟梨花月誰與暈開春色坊巷曉悵悵東風斷舊火  
銷處近寒食少年踪跡愁暗隔水南山北還是寶絡雕  
鞍被鶯聲喚來香陌記飛蓋西園寒猶凝驚醉耳誰  
家夜笛燈前重簾不掛殢華裙粉淚曾拭如今故里信  
息賴海燕年時相識奈芳草正鎖江南夢春衫怨碧

何湖邊

江緯讀  
書堂

江緯

退處鄉關幽棲林藪舍宇第須茅蓋翠嶽清泉啟軒窓  
遙對遇等門隣里過從親朋臨顧草草便成幽會策杖  
攜壺向湖邊柳外旋買溪魚便斫銀絲鱠誰復欲痛  
飲如長鯨吞海共惜醺酣恐歡娛難再矧清風明月非  
錢買休追念金馬玉堂心膽碎且闢尊前有阿誰身在

張拭

萬里煙堤百花風榭遊女翩翩羽蓋綵掛鞦韆向花梢

嬌對矧門外森立喬松日花爭麗猶若當年文會廊廟  
夔龍暫卜鄰郊外共講真率玉糝金齏同蕭散寄

傲樽壘傾北海佳處難忘約追歡須再況風月不用一

錢買但回首七虎堂中心欲碎千里相思幸前盟猶在

月中桂

送杜微  
赴闕

趙德莊

露醕無情送長歌未終已醉離別何如暮雨釀一襟涼

潤來留佳客好山侵坐碧勝昨夜疎星淡月君欲翩然

去人間底許員嶠問帆席詩情病非疇昔賴親朋對

影且慰良夕風流雨散定幾回腸斷能禁頭白為君煩  
素手薦碧藕輕絲細雪去去江南路猶應水雲秋共色

更漏子

杜壽域

庭遠途程算萬山千水路入神京暖日春郊綠柳紅杏  
香逕舞燕流鶯客館悄悄閒庭堪惹舊恨深有多少馳  
驅驀嶺涉水枉費身心思想厚利高名謾惹得憂煩  
枉度浮生幸有青松白雲深洞清閒且樂昇平長是宦  
遊羈思別離淚滿襟望江鄉縱跡舊遊題書尚自分明



賞南枝

曾子固

暮冬天地閉正柔木凍折瑞雪飄飛對景見南嶺梅露  
幾點清雅容姿丹染萼玉綴枝又豈是一陽有私大抵  
化工獨許使占却先時霜威莫苦凌持此花根性想  
羣卉爭知費用在和羹三春裏不管綠是紅非攀賞處  
宜酒卮醉撚嗅幽香更奇倚欄仗何人去囑羌管休吹

長相思

少游

鐵甕城高蒜山渡濶千雲十二層樓開罇待月掩箔披

風依然燈火揚州綺陌南頭記歌名宛轉鄉號溫柔曲  
檻俯清流想花陰誰繫蘭舟念淒絕秦絃感深荆賦  
相望幾許凝愁勤勤裁尺素奈雙魚難渡瓜洲曉鑑堪  
羞潘鬢點吳霜漸稠幸于飛鴛鴦未老不應同是悲秋

京妓

柳耆卿

畫鼓喧街蘭燈滿市皎月初照嚴城清都絳闕夜景風  
傳銀箭露暖金莖巷陌縱橫過平康款轡緩聽歌聲鳳  
燭熒熒那人家未掩香屏向羅綺叢中認得依稀舊

日雅態輕盈嬌波艷冶巧笑依然有意相迎牆頭馬上  
謾遲留難寫深誠又豈知名宦拘檢年來減盡風情

### 迎新春

嶮管變青律帝里陽和新布晴景回輕煦慶嘉節當三  
五列華燈千門萬戶遍九陌羅綺香風微度十里燃絳  
樹鼇山聳喧喧簫鼓漸天如水素月當午香徑裏絕  
纓擲果無數更闌燭影花陰下少年人往往奇遇太平  
時朝野多懽民康阜堪隨分良聚對此爭忍獨醒歸去

望南雲慢

木芙蓉

沈公述

木葉輕飛乍雨歇  
亭臯簾卷秋光闌  
隈砌角綻拒霜幾  
處落深淺紅芳應  
恨開時晚伴翠菊  
風前並香曉來寒  
露嫩臉低凝似帶  
啼粧堪傷記得佳  
人當時怨別盈腮  
淚粉行行而今最  
苦奈千里身心兩  
處淒涼感物成消  
黯念舊懽空勞寸  
腸月斜殘漏夢斷  
孤幃一枕思量  
綺寮怨

周美成

上馬人扶殘醉曉  
風吹未醒映水曲  
翠瓦朱簷垂楊裏

乍見津亭當時曾題敗壁蛛絲罩淡墨苔暈青念去來  
歲月如流徘徊久嘆息愁思盈去去倦尋路程江陵  
舊事何曾再問楊瓊舊曲淒清歛愁黛與誰聽尊前故  
人如在想念我最關情何須渭城歌聲未盡處先淚零  
趙功可

忽忽東風又老冷風吹晚陰疎簾下茶鼎孤煙斷橋外  
梅豆千林江南庾郎憔悴睡未醒病酒愁怎禁倚闌干  
一扇涼風看平地落花如雪深千曲囊中古琴平泉

金谷不堪舊事重尋當日登臨都化作夢銷沉元龍丘  
墳無恙誰喚起共論心哀歌怨吟問何似啼鳥枝上音

花心動

史梅溪

風約簾波錦機寒難遮海棠烟雨夜酒未蘇春枕猶軟  
曾是悞成歌舞半褰薇帳雲頭散奈愁味不隨香去儘  
沈靜文園更渴有人知否 懶記溫柔舊處偏只怕臨  
風見它桃樹綉戶鎖塵錦瑟空絃無復畫眉心緒待拈  
銀管書春恨被雙燕替人言語意不盡垂楊幾千萬縷

臨安新亭

劉叔安

鳩雨催晴遍園林一番綠嬌紅媚柳外金衣花底香鬚  
消得艷陽天氣障泥步錦尋芳路稱來往縱橫珠翠笑  
攜手旗亭問酒更酌春思還記東山樂事何歌雪香  
中伴春沈醉粉袖殢人彩筆題詩陶寫老來風味夜深  
銀燭明如晝待歸去看承花睡夢雲散屏山半熏沈水

春景

阮逸女

仙苑春濃小桃開枝枝已堪攀折乍雨乍晴輕暖輕寒

漸近賞花時節柳搖臺榭東風軟簾櫳靜幽禽調舌斷  
魂遠閒尋翠徑頓成愁結此恨無人共說還立盡黃  
昏寸心空切強整綉衾獨掩朱扉簾枕為誰鋪設夜長  
宮漏傳聲遠紗窓映銀缸明滅夢回處梅梢半籠淡月

憶諸葛章

蟾英

忽覩菱花這一程減却風流顏色隣姬戲問愧我為羞  
無語低頭寥寂珠泪紛紜和粉垂襟袂舊痕乾又濕感  
起愁懷堆堆積積杜宇催春急煙籠花柳粉蝶難尋



覓紫燕喃喃黃鶯恰恰對景脂消香浥篆煙將盡愁未  
休息若得御溝玻璃碧教紅葉往來傳箇消息

永遇樂

柳耆卿

薰風解愠晝景晴和新霽時候火德流光蘿圖薦祉累  
慶金枝秀璇樞繞電華渚流虹是日挺生元后緒唐虞  
垂拱千載應期萬靈敷祐殊方異域爭貢琛賁架巘  
航波奔湊三殿稱觴九儀就列韶濩鏘金奏藩侯瞻望  
彤庭親攜僚吏賡歌元首祝堯齡北極齊尊南山共久

東坡

明月如霜好風如水清景無限曲港跳魚圓荷瀉露寂  
寞無人見紉如五鼓錚然一葉黯黯夢雲驚斷夜茫茫  
重尋無覓處覺來小園行遍天涯倦客山中歸路望

斷故園心眼燕子樓空佳人何在空鎖樓中燕古今如  
夢何曾夢覺但有舊歡新怨異時對南樓夜景為余浩  
歎

夜登燕子樓夢盼盼作晁無咎曰燕  
子樓空三句說盡張建封燕子樓事

春情

解方叔

風煖鶯嬌露濃花重天氣和煦院落煙收垂楊舞困無  
奈堆金縷誰家巧縱青樓絃管惹起暮雲情緒憶當時  
紋衾絮枕未嘗暫孤鴛侶芳菲易老故人難聚到此  
翻成輕誤閨苑仙遙蠻牋縱寫何計傳深訴青山綠水  
古今長在惟有舊歡何處空贏得斜陽暮草淡烟細雨

京口北固亭懷古

稼軒

千古江山英雄無覓孫仲謀處舞榭歌臺風流總被雨  
打風吹去斜陽草樹尋常巷陌人道寄奴曾住想當年

金戈鐵馬氣吞萬里如虎  
元嘉草草封狼居胥贏得  
倉皇北顧四十三年望中猶記烽火揚州路可堪回首  
佛狸祠下一片神鴉社鼓憑誰問廉頗老矣尚能飯否

春莫有懷

劉叔擬

青幄蔽林白氍毹鋪徑紅雨迷楚畫閣關愁風簾捲恨盡  
日縈情緒陽臺雲去文園人病寂寞翠尊彫俎惜韶容  
匆匆易失芳叢對眼如霧  
巾歌潤裋衣寬涼滲又覺  
漸回驕暑解籜吹香遺丸薦脆小芰浮鴛浦畫欄如舊

依稀猶記佇立一鉤蓮步黯銷魂那堪又聽杜鵑更苦

次韻弔青樓

高賓王

淺暈脩蛾脆痕紅粉猶記窺戶香斷奩空塵生砌冷誰  
喚青鸞舞春風花信秋宵月約歷歷此心曾許銜芳恨  
千年怨結玉骨未應成土木蘭艇子莫愁何在謾繫  
寒江烟樹事逐雲沈情隨佩冷短夢分今古一杯遙夜  
孤光難曉多少碎人腸處空淒黯西風細雨盡吹淚去

送春

洪叔璵

歌雪徘徊夢雲溶曳欲勒春住薄倖楊花無端杜宇抵  
死催教去參差烟岫千回百匝不解禁春歸路病厭厭  
那堪更聽小樓一夜風雨金釵鬪草玉盤行菜往事  
了無憑據合數松兒分香帕子總是牽情處小桃朱戶  
題詩在否尚憶去年崔護綠陰中鶯鶯燕燕也應解語

前調

雅詞

功名閒事利祿休閒莫繫心上幸有衣食隨緣過得着  
甚乾勞攘風前月下三盃兩醅撞着即莫與放且與箇

山莊道友退閒故人來往  
新來做得一箇寬袖布衫  
着來也暢出戶迎賓入城幹事恰似王保長我咱快後  
人歌鬼舞任你萬般毀謗死來後一家一箇那底怎向

寄所思新第者

詞話

孤衾不暖靜聞銀漏歇枕難穩細想多情多才多貌總  
是多愁本而今幽會難成佳期頓阻只恁縈方寸知他  
莫是今生共伊此歡無分  
尋思斷腸腸斷珠淚搵了  
依前重搵終待臨歧分明說與我這厭厭悶得伊知後

教人成病萬種斷也無恨只恐他恁不分曉謾勞瘦損

東臯寓居

晁無咎

松菊堂深芰荷池小長夏清暑燕引雛還鳩呼婦往人  
靜郊原趣麥天已過薄衣輕扇試起遶園徐步聽衡宇  
欣欣童稚共說夜來初雨 蒼苔徑裏紫葳枝上數點

幽花垂露東里催鋤西鄰助餉相戒清晨去斜川歸興  
脩然滿目回首帝鄉何處只愁恐輕鞍犯夜霸陵舊路

傾盃樂

柳耆卿



木落霜洲鴈橫煙渚分明畫出秋色暮雨乍歇小檝夜泊宿葦村山驛何人月下臨風處起一聲羌笛離愁萬緒聞岸草切切蛩吟如織為憶芳容別後水遙山遠何計馮鱗翼想繡閣深沉爭知憔悴損天涯行客楚峽雲歸高陽人散寂寞狂蹤跡望京國空目斷遠峰凝碧

春霽

春晴

胡浩然

遲日融和乍雨歇東郊嫩草凝碧紫燕雙飛海棠相襯粧點上林春色黯然望極困人天氣渾無力又聽得園

苑數聲鶯囀柳陰直  
當此暗想故國繁華儼然遊人  
依舊南陌院深沉梨花亂落那堪如練點衣白酒量頓  
寬還量窄算此情景除非殢酒狂歡恣歌沉醉有誰知  
得

秋霽

晴秋

詩餘

虹影侵堦乍雨歇長空萬里凝碧孤鶩高飛落霞相映  
遠狀水鄉秋色黯然望極動人無限愁如織又聽得雲  
外數聲新鴈正嘹唳  
當此暗想畫閣輕拋杳然殊無

此箇消息漏聲稀銀屏冷落那堪殘月照窓白衣帶頓  
寬猶阻隔算此情苦除非宋玉風流共懷傷感有誰知  
得

史邦卿

江水蒼蒼望倦柳愁荷共感秋色虛閣先涼古簾空暮  
鴈程最嫌風力故園信息愛渠入眼南山碧念上國誰  
是鱸鱸江漢未歸客還又歲晚瘦骨臨風夜聞秋聲  
吹動岑寂露蛩鳴清燈冷屋翻書愁上髣髯白年少俊

遊渾斷得但可憐處無奈萋萋魂驚採香南浦剪梅烟  
驛

曾公袞

木落山明莫江碧樓倚太虛寥廓素手飛觴釵頭笑取  
金英滿浮桑落鬢雲慢約酒紅拂破香腮薄細細酌簾  
外任教月轉畫欄角當年快憶登臨異鄉節物難禁  
離索故人遠凌波何在惟有殘英共寂寞愁到斷腸無  
處着寄寒香與憑渠問訊佳時弄粉吹花為誰梳掠

合歡帶

美人

柳耆卿

身材兒早是妖嬈算風措實難描一箇肌膚渾是玉更  
都來占了千嬌妍歌艷舞鶯慚巧舌柳妬纖腰自相逢  
便覺韓娥價減飛燕聲銷桃花零落溪水潺湲重尋  
仙徑非遙莫道千金酌一笑便明珠萬斛須邀檀郎幸  
有凌雲詞賦擲果風標況當年便好相攜鳳樓深處吹  
簫

杜壽域

樓臺高下玲瓏闢芳樹綠陰濃芍藥孤栖香艷晚見櫻  
桃萬顆初紅巢喧乳燕珠簾鏤曳滿戶香風罩紗幃象  
牀屏枕畫眠才似朦朧起來無語更兼慵念分明往  
事成空被你厭厭牽繫我怪纖腰繡帶寬鬆春來早是  
分飛兩處長恨西東到如今扇移明月簾鋪寒浪與誰  
同

花發沁園春

王晉卿

帝里春歸早先粧點皇家池館園林雛鶯未遷燕子乍

歸時節戲弄晴陰瓊樓珠閣恰正在柳曲花心翠袖艷  
衣凭闌干慣聞絃管新音此際相攜宴賞縱行樂隨  
處芳樹遙岑桃腮杏臉嫩英萬葉千枝綠淺紅深輕風  
煦日泛暗香長滿衣襟洞戶醉歸訪笙歌晚來雲海沉  
沉

呈史滄洲

劉圻父

換譜伊涼選歌燕趙一番樂事重起花新笑靨柳軟纖  
腰齊楚衆芳圍裏年年佳會長是傍清明天氣正魏紫

金史四  
卷二十二  
衣染天香蜀粧紅破春睡 一簇猩羅鳳翠遍東園西  
城點檢芳事銓齋吏散畫館人稀幾闌管絃清脆人生  
適意流轉共風光遊戲到遇景取次成歡怎教良夜休  
醉

西吳曲

懷襄陽

劉改之

說襄陽舊事重省記銅鞮巷陌醉還醒笑鶯花別後劉  
郎憔悴萍梗倦客天涯還買箇西風輕艇便欲訪騎馬  
山翁問峴首那時風景 楚王城裏知幾度經過摩挲



故宮柳癭漫弔景冷烟衰草淒迷傷心興廢賴有陽春  
古郢乾坤誰望六百里路中原空老盡英雄腸斷劒鋒  
冷

望明河

劉一止

華旌耀日報天上使星初辭金闕許國精忠試此日傳  
岩濟川舟楫向來鷄林外况傳詠篇章雄絕問人地真  
是唐朝第一未論勲業鯨波霽雲千疊望仙馭縹緲  
神仙明滅萬里勤勞也等是壯年繡衣持節丈夫功名

事未肯向樽前傷輕別看飛棹歸侍宸遊宴賞太平風月

夢橫塘

浪痕經雨影鬢吹寒曉來無限蕭瑟野色分橋剪不斷  
溪山風物船繫朱藤路迷烟寺遠鷗浮沒聽疎鐘斷鼓  
似近還遙驚心事傷羈客新醅旋壓鵝黃拚清愁在  
眼酒病縈骨綉閣嬌慵爭解說短封傳憶念誰伴塗妝  
綰髻嚼藥吹花弄秋色恨對南雲此時淒斷有何人知

得

定風波

旅情

柳耆卿

竚立長堤澹蕩晚風起驟雨歇極目蕭疎塞柳萬株掩  
映箭波千里走舟車向此人人奔名競利念蕩子終日  
馳驅爭覺鄉關轉迢遞何意繡閣輕拋錦字難逢等  
閒度歲奈泛泛旅迹厭厭病緒近來諳盡宦遊滋味此  
情懷縱寫香牋馮誰與寄算孟光爭得知我繼日添憔悴

早梅芳

上孫資政

海霞紅山烟翠故都風景繁華地譙門畫戟下臨萬井  
金碧樓臺相倚芰荷浦溆楊柳汀洲映虹橋倒影蘭舟  
飛棹遊人聚散一片湖光裏漢元侯自從破虜征蠻  
峻陟樞庭貴籌帷厭久盛年晝錦歸來吾鄉我里黔齋  
少訟宴館多懽未周星便恐皇家圖任勲賢又作登庸

計

羊祜傳  
有黔齋

期夜月

劉濬

金鈎花綬繫雙月腰肢軟低折揎皓腕縈綉結輕盈宛  
轉妙若鳳鸞飛越無別香檀急扣轉清切翻纖手飄瞥  
催畫鼓追脆管鏘洋雅奏尚與衆音為節 當時妙選  
舞袖慧性雅質名為殊絕滿坐傾心住目不甚窺回雪  
逡巡一曲霓裳徹汗透鮫鮓肌潤教人傳香粉媚容秀  
發

濬潞洲人有才名樂部中惟杖鼓鮮有能工之者京  
師官妓楊素娥最工濬酷愛之作此詞素娥以此詞  
名振京師

南浦

程正伯

金鴨懶薰香，向晚來春醒。一枕無緒，濃綠漲瑤窓，東風外吹盡。亂紅飛絮，無言竚立，斷腸惟有流鶯語。碧雲欲暮，空惆悵韶華，一時虛度。追思舊日，心情記題葉西樓，吹花南浦。老去覺歡疎，傷春恨都付，斷雲殘雨，黃昏院落，問誰猶在，凭闌處。可堪杜宇空，只解聲聲催他去。

史邦卿

玉樹曉飛香待倩它和愁點破妝鏡輕嫩一天春平白  
地都護雨昏烟冥幽花濕露定應獨把闌干凭謝屐未  
蠟安排共文鴛重遊芳逕年來夢裏揚州怕事隨歌  
殘情趁雲冷嬌盼隔東風無人會鶯燕暗中心性深盟  
縱約盡同晴雨全無定海棠夢在相思過西園秋千紅  
影

曲玉管

秋思

柳耆卿

隴首雲飛江邊日晚烟波滿目凭闌久立望闕河蕭索

千里清秋忍凝眸  
宵宵神京盈盈仙子別來錦字終難  
偶斷鴈無憑冉冉飛下汀洲思悠悠  
暗想當初有多  
少幽懽佳會豈知聚散難期翻成雨恨雲愁阻追遊悔  
登山臨水惹起平生心事一場銷黯永日無言却下層  
樓

別瑤姬慢

万俟雅言

可惜香紅又一番驟雨幾陣狂風霎時留不住便夜來  
和月飛過簾櫳離愁未了酒病相仍便堪此恨中片片



隨流水斜陽去各自西東  
又還是九十春光悞雙飛  
戲蝶並採遊蜂人生能幾許  
細算來何物得似情濃沈  
腰暗減潘鬢先秋寸心不易  
供望暮雲千里沉沉障翠  
峰

二郎神

春怨

徐幹臣

悶來彈鵲又攪碎一簾花影  
謾試着春衫還思纖手薰  
徹金爐燼冷動是愁端如何  
何更怪得新來多病想舊  
日沈腰而今潘鬢不堪臨鏡  
重省別時淚漬羅襟猶

凝料為我厭厭日高慵起長託春醒未醒鴈翼不來馬  
蹄難去門掩一庭芳景空佇立盡日欄干遍倚晝長人  
靜

七夕

柳耆卿

炎光初謝過暮雨芳塵輕洒乍露冷風清庭戶爽天如  
水玉鉤遙掛應是星娥嗟久阻叙舊約飈輪欲駕極目  
處微雲暗度耿耿銀河高瀉閒雅須知此景古今無  
價運巧思穿針樓上女擡粉面雲鬟相亞鈿合金釵私

語處算誰在回廊影下願天上人間占得歡娛年年今夜

用徐幹臣韻

湯恢

瑣窓睡起閒竚立海棠花影記翠檝銀塘紅牙金縷杯  
泛梨花冷燕子啣來相思字道玉瘦不禁春病應蝶粉  
半消鴉雲斜墜暗塵侵鏡還省香痕碧唾春衫都凝  
悄一似荼蘼玉肌翠被消得東風喚醒青杏單衣楊花  
小扇閒却晚春風景最苦是蝴蝶盈盈弄晚一簾風靜

解連環閨情

周美成

怨懷難托嗟行人斷絕信音遼邈憶妙手能解連環似  
風散雨收霧輕雲薄燕子樓空暗塵鎖一牀絃索想移  
根換葉盡是舊時手種紅藥汀洲漸生杜若料舟移  
岸曲人在天角記得當日音書把閒語閒言盡總燒却  
水驛春回望寄我江南梅萼拚今生對酒對花為伊淚  
落

春水

高賓王

浪搖新綠浸芳洲。翠渚雨痕初足。蕩霽色、流入橫塘。看  
風外、漪漪皺紋如縠。藻荇縈迴，似留戀、鴛鴦飛鷗浴。愛嬌  
雲蘸色，媚日按藍，遠迷心目。仙源漾舟岸曲，照芳容  
幾樹香浮。紅玉記那回、西洛橋邊，濺裙翠。傳情玉纖輕  
掬。三十六陂錦鱗渺。芳音難續。隔垂楊故人望斷，浸愁  
千斛。

杏梁燕

寓解連環

張宗瑞

小樓春淺記鈎簾。看雪袖粘芳片。似不似柳絮因風更

細與品題屢呵冰硯宛轉吟情縱真草鳳牋都徧到燈  
前笑語酒被峭寒移盡更箭而今柳陰滿院却花空  
雪似人隔春遠歎萬事流水斜陽謾贏得前詩醉汗團  
扇脉脉重來算惟有畫欄曾見把千種舊愁付與杏梁  
語燕

尉遲盃

離情

周美成


隋堤路漸日晚密靄生深樹陰陰淡月籠沙還宿河橋  
深處無情畫舸都不管烟波隔南浦等行人醉擁重衾

載將離恨歸去 因念舊客京華長偎傍疎林小檻歡  
聚冶葉倡條俱相識仍慣見珠歌翠舞如今向漁村水  
驛夜如歲焚香獨自語有何人念我無慘夢魂疑想鴛  
侶

梅苑

歲云暮歎光陰冉冉能幾許江梅尚怯餘寒長安信音  
猶阻春風無據凭欄久欲去還凝竚憶溪邊月底徘徊  
暗香疎影庭戶 朝來凍解霜消南枝上香英數點微

露把酒看花無言有淚還是那時情緒花依舊晨粧何處謾贏得花前愁千縷儘高樓畫角頻吹任教紛紛飛素



花草粹編卷二十二